

描述清明古体诗句

1.
忆昔父母康健时，清明携我上丘垅。如今清明我独来，却将小儿拜先冢。
凝情东风泪满衣。江山虽是昔人非。儿儿问我悲何事，此意他年汝自知。
——胡时中《清明行》

2.
清明节，雨晴天，得意正当年。马骄泥软锦连乾，香袖半笼鞭。花色融，
人竟赏，尽是绣鞍朱鞅。日斜无计更留连，归路草和烟。——薛昭蕴
《喜迁莺·清明节》

3.
乌啼鹊噪昏乔木，清明寒食谁家哭。风吹旷野纸钱飞，古墓垒垒春草绿。
棠梨花映白杨树，尽是死生别离处。冥冥重泉哭不闻，萧萧暮雨人归去。
——白居易《寒食野望吟》

4.
花荠悬灯柳插檐，老怀那得似饧甜。画船已载先生去，燕子无人自入帘。
——葛天民《清明日访白石不值》

5.
风景清明后，云山睥睨前。百花如旧日，万井出新烟。草色无空地，江
流合远天。长安在何处？遥指夕阳边。——刘长卿《清明后登城眺望》

6.
街头女儿双髻鸦，随蜂趁蝶学天邪。东风也作清明节，开遍来禽一树花。
——陈与义《清明二绝·其一》

7.

春城无处不飞花，寒食东风御柳斜。日暮汉宫传蜡烛，轻烟散入五侯家。
。——韩翃《寒食》

8.
浪说兰亭禊事修，年年春好锦堤游。花翻舞袖惊歌板，柳隔高城暗酒楼。
。绿树恐应春事老，金鞭重为使君留。竹西路晚归时醉，何处珠帘半上钩。
。——王恽《清明日锦堤行乐》

9.
柳如眉，云似发，鲛绡雾縠笼香雪。梦魂惊，钟漏歇，窗外晓莺残月。
。几多情，无处说，落花飞絮清明节。少年郎，容易别，一去音书断绝。
。——魏承班《渔歌子》

10.
吴山楚驿四年中，一见清明一改容。旅恨共风连夜起，韶光随酒著人浓。
。延兴门外攀花别，采石江头带雨逢。无限归心何计是，路边戈甲正重重。
。——郑准《江南清明》

11.
芳原绿野恣行事，春入遥山碧四围。兴逐乱红穿柳巷，困临流水坐苔矶。
。莫辞盏酒十分劝，只恐风花一片飞。况是清明好天气，不妨游衍莫忘归。
。——程颢《郊行即事》

12.
满衣血泪与尘埃，乱后还乡亦可哀。风雨梨花寒食后，几家坟上子孙来。
。——高启《送陈秀才归沙上看墓》

13.
著处繁花务是日，长沙千人万人出。渡头翠柳艳明眉，争道朱蹄骄啮膝。
。此都好游湘西寺，诸将亦自军中至。马援征行在眼前，葛强亲近同心事。
。金镫下山红粉晚，牙樯捩柁青楼远。古时丧乱皆可知，人世悲欢暂相遣。
。弟侄虽存不得书，干戈未息苦离居。逢迎少壮非吾道，况乃今朝更祓除。
。——杜甫《清明》

14.

少日欢游处，逢春老大悲。强持杯酒劝，怕遣落花随。草木梁园在，山河宋殿移。上坟人尽返，岐路独含思。——李梦阳《庚辰清明东郭》

15.

晓日清明天，夜来嵩少雨。千门尚烟火，九陌无尘土。酒绿河桥春，漏闲宫殿午。游人恋芳草，半犯严城鼓。——李正封《洛阳清明日雨霁》

16.

三月二日风日暖，千家万家桃李开。少年白日骑马去，满城红雨拂面来。共君且饮酒一斗，处世不必歌七哀。孙刘事业果何在，百年断石生莓苔。——萨都刺《同克明曹生清明日登北固山和韵》

17.

朝作轻寒暮作阴，愁中不觉已春深。落花有泪因风雨，啼鸟无情自古今。故国江山徒梦寐，中华人物又销沉。龙蛇四海归无所，寒食年年怆客心。——屈大均《壬戌清明作》

18.

朝来阁雨喜新晴，枝上绵蛮调好声。佳节莫将虚过了，人生赢得几清明。——俞桂《清明》

19.

马上逢寒食，途中属暮春。可怜江浦望，不见洛桥人。北极怀明主，南溟作逐臣。故园肠断处，日夜柳条新。——宋之问《途中寒食》

20.

六曲阑干偎碧树，杨柳风轻，展尽黄金缕。谁把钿筝移玉柱？穿帘海燕惊飞去。满眼游丝兼落絮，红杏开时，一霎清明雨。浓睡觉来慵不语，惊残好梦无寻处？——冯延巳《鹊踏枝·清明》

21.

耕夫召募爱楼船，春草青青万顷田；试上吴门窥郡郭，清明几处有新烟。——张继《阆门即事》

22.

弱女紫丝筐，藤花刺路傍。柳繁风絮乱，波浅水茅香。老学耕田法，贫添省事方。头茶与鲜笋，刻日待新尝。——袁宏道《清明》

23.

清明时节雨声哗，潮拥渡头沙。翻被梨花冷看，人生苦恋天涯。燕帘莺户，云窗雾阁，酒醒啼鸦。折得一枝杨柳，归来插向谁家？——张炎《朝中措》

24.

此心如梦复如痴，荏苒春光欲暮时。啼比杜鹃先有血，愁同杨柳更多丝。林花开遍谁为主，社燕重来亦似悲。寒食已过非禁火，闭门犹自绝晨炊。——徐燊《清明日感怀》

25.

耕夫召募逐楼船，春草青青万顷田。试上吴门窥郡郭，清明几处有新烟。——张继《阆门即事》

26.

风风雨雨梨花，窄索帘栊，巧小窗纱。甚情绪灯前，客怀枕畔，心事天涯。三千丈清愁鬓发，五十年春梦繁华。蓦见人家，杨柳分烟，扶上檐牙。——乔吉《折桂令·客窗清明》

27.

冷食方多病，开襟一忻然。终令思故郡，烟火满晴川。杏粥犹堪食，榆羹已稍煎。唯恨乖亲燕，坐度此芳年。——韦应物《清明日忆诸弟》

28.

寒食家家出古城，老人看屋少年行。丘垄年年无旧道，车徒散行入衰草。牧儿驱牛下冢头，畏有家人来洒扫。远人无坟水头祭，还引妇姑望乡拜。三日无火烧纸钱，纸钱那得到黄泉。但看垄上无新土，此中白骨应无主。——王建《寒食行》

29.

芳原绿野恣行时，春入遥山碧四围。兴逐乱红穿柳巷，困临流水坐苔矶。
莫辞盏酒十分劝，只恐风花一片飞。况是清明好天气，不妨游衍莫忘归。
——程颢《郊行即事》

30.

柳暗花香愁不眠，独凭危槛思凄然。野云将雨渡微月，沙鸟带声飞远天。
久向饥寒抛弟妹，每因时节忆团圆。饧餐冷酒明年在，未定萍蓬何处边。
——李群玉《湖寺清明夜遣怀》

31.

晚霁龙门雨，春生汝穴风。鸟啼官路静，花发毁垣空。鸣玉惭时辈，垂丝学老翁。
旧游人不见，惆怅洛城东。——张继《清明日自西午桥至瓜岩村有怀》

32.

南北山头多墓田，清明祭扫各纷然。纸灰飞作白蝴蝶，泪血染成红杜鹃。
日落狐狸眠冢上，夜归儿女笑灯前。人生有酒须当醉，一滴何曾到九泉。
——高翥《清明日对酒》

33.

清明时节雨声哗。潮拥渡头沙。翻被梨花冷看，人生苦恋天涯。燕帘莺户，
云窗雾阁，酒醒啼鸦。折得一枝杨柳，归来插向谁家。——张炎《朝中措·清明时节雨声哗》

34.

气候江吴异，清明乃尔寒。老增丘墓感，贫苦道途难。燕子家家入，梨花树树残。
一春回首尽，怀抱若为宽。——陆游《清明》

35.

此日长安陌，光辉白玉珂。禁烟寒旧少，愁鬼岁新多。满地谋生拙，殊方逼逝过。
未须推物理，天地竟如何。——王世贞《清明》

本文链接：<https://duanjuziku.com/duanjuzi/vbipknn5ct.html>